

## SKIPULAGSSKRÁ

### ABC barnahjálpar á Íslandi.

#### I. KAFLI

##### 1. gr.

*Skilgreining og heiti, heimili og varnarþing.*

ABC barnahjálp á Íslandi er sjálfseignarstofnun með heimili og varnarþing í Reykjavík, Íslandi.

##### 2. gr.

*Eðli ABC.*

ABC barnahjálp er byggð á kristnum gildum með kærleiksboðorðin í huga um að okkur beri að elska náungann eins og okkur sjálf og bera hvers annars byrðar þannig að við sýnum í verki að Guð er faðir föðurlausra og að hann réttir þeim hjálparhönd sem eru þurfandi og þjáðir.

##### 3. gr.

*Tilgangur ABC.*

Tilgangur ABC barnahjálpar á Íslandi er að styðja fólk, einkum börn og unglinga, til sjálfbærni. ABC barnahjálp á Íslandi má láta neyðarhjálp til sín taka, einkum ef það er þáttur í að ná fyrrgreindu markmiði.

##### 4. gr.

*Hvernig tilgangi skal náð.*

Tilgangi sínum hyggst ABC barnahjálp á Íslandi ná með því að taka að sér verkefni sem stjórn stofnunarinnar hefur samþykkt og forgangsraðað. Í því sambandi mun ABC barnahjálp á Íslandi leita eftir samstarfi og stuðningi allra sem vilja leggja starfinu lið. Nánar tiltekið felast verkefnin í eftirfarandi:

Að mennta börn og með fræðslustarfsemi ýmiss konar þ.m.t. að byggja heimavistir fyrir börn, skóla og barnaheimili svo og að kaupa land undir slíka starfsemi.

Að eiga samstarf við heimamenn í hverju landi þar sem starfað er.

Að safna stuðningsaðilum fyrir þurfandi börn. Þetta er meginverkefni ABC barnahjálpar á Íslandi.

Að reka skrifstofu og sjá um utanumhald stuðningsaðila og styrktarbarna. Hlutverk skrifstofu er að veita stuðningsaðilum upplýsingar, auðvelda stuðningsaðilum að greiða styrktarframlög, sjá um bókhald o.s.frv.

Að laða sjálfboðaliða að til að sinna starfinu á þeim sviðum sem það er mögulegt.

Að afla fjár með því að leita eftir frjálsum framlögum og ýmiss konar fjárlunarstarfsemi s.s. rekstri nytjamarkaðar.

##### 5. gr.

*Rekstur stofnunarinnar.*

ABC barnahjálp á Íslandi skal hafa aðskilda reikninga fyrir rekstur starfsins annars vegar og hins vegar fyrir framlög til styrktarbarna og verkefna.

#### II. KAFLI

##### 6. gr.

*Stjórn stofnunarinnar.*

Æðsta vald í málefnum stofnunarinnar er stjórn hennar og ber hún ábyrgð á fjárvörslu hennar.

Ef ABC barnahjálp á Íslandi áskotnast á einhvern hátt fasteignir eða önnur verðmæti þá þarf samþykki meirihluta stjórnarmanna til að selja þau eða veðsetja.

Stjórnin skal skipuð 6 stjórnarmönnum. Stjórnarmenn þessir voru upphaflega valdir af undirbúningshópi. Stjórnin sér sjálf um að endurnýja sig.

Stjórnarmenn eru kosnir til tveggja ára í senn.

Heimilt er að endurkjósa stjórnarmenn eins oft og þurfa þykir en þó skal leitast við að endurnýja stjórnina með því að skipta út stjórnarmanni fyrir nýjan ekki sjaldnar en á tveggja ára fresti.

Meirihluta stjórnar þarf til að samþykkja nýjan mann í stjórn.

Til að víkja manni úr stjórn þarf atkvæði meirihluta stjórnarmeðlima.

Stjórnarmenn skulu ekki þiggja laun hjá stofnuninni fyrir stjórnarstörf.

#### 7. gr.

##### *Stofnfé og stofnendur.*

Stofnfé ABC barnahjálpar á Íslandi að upphæð 700.000 kr. er ávaxtað á hávaxtareikningi og var upphaflega lagt fram af stofnendum.

Stofnendur stofnunarinnar voru Georg Ólafur Tryggvason, Guðfinna Björnsdóttir, Guðrún Margrét Pálsdóttir, Halldór Gunnar Halldórsson, Halldór Pálsson, Hannes Lentz, Hjalti Gunnlaugsson og Ólafur Gránz.

#### 8. gr.

##### *Stjórnarfundir og boðun beirra.*

Stjórnarfundir eru lögmaðir þegar fjórir stjórnarmenn mæta og löglega er til þeirra boðað. Á stjórnarfundum ræður meirihluti atkvæða og hefur stjórnarformaður oddaattkvæði.

Boða skal til stjórnarfundar með 6 daga fyrirvara og telst hann þá löglega boðaður. Stjórnarfundur er löglegur ef allir mæta þrátt fyrir skamman fyrirvara. Formaður stjórnar má boða stjórnarfundi með skemmri fyrirvara telji hann ákvörðun ekki þola bið.

#### 9. gr.

##### *Kynningarfundir.*

Á hverju ári skal haldinn kynningarfundur um starf ABC barnahjálpar á Íslandi. Hann skal vera auglýstur og opinn almenningi. Á þeim fundi skulu ársreikningar kynntir.

#### 10. gr.

##### *Verkaskipting stjórnar.*

Stjórnin skiptir sjálf með sér verkum.

#### 11. gr.

##### *Fundargerð stjórnar.*

Stjórnin skal halda fundargerðir þar sem fram skulu koma allar ályktanir, ákvarðanir og niðurstöður stjórnarinnar.

#### III. KAFLI

#### 12. gr.

##### *Breytingar á skipulagsskrá.*

Skipulagsskrá þessari verður ekki breytt nema með samþykki meirihluta stjórnarmanna.

Breytingar á skipulagsskrá þessari þarfust samþykis sýslumannsembættisins á Norðurlandi vestra.

#### IV. KAFLI

#### 13. gr.

##### *Endurskoðun.*

Ársreikningar ABC skulu endurskoðaðir af löggiltum endurskoðanda sem stjórn ABC velur.

#### 14. gr.

##### *Upplýsingar um fjármál.*

Stjórn ABC barnahjálpar á Íslandi skal tryggja að almenningur fái ávallt öruggan aðgang að upplýsingum um fjármál stofnunarinnar með gerð ársreiknings, upplýsingum á heimasíðu og fréttatíðungum.

Nr. 430

10. maí 2017

tilkynningum eða útgáfu fréttabréfs. Ársreikningar skulu jafnframt liggja frammi á skrifstofu ABC barnahjálpar á Íslandi.

Skylt er stofnuninni að upplýsa um hvernig verðmæti sem henni hlotnast eru metin til fjár og eftir hvaða aðferðum hún flokkar útgjöld í rekstrarútgjöld og hjálpstarf.

V. KAFLI

15. gr.

*Bókhald.*

Stofnunin skal halda bókhald og semja ársreikninga samkvæmt gildandi bókhaldslögum.  
Reikningsár stofnunarinnar er almanaksárið.

16. gr.

*Niðurlagning stofnunarinnar.*

ABC barnahjálp á Íslandi verður ekki lögð niður nema með samþykki meirihluta stjórnarmanna á löglega boðuðum fundi.

Niðurlagning stofnunarinnar þarfast samþykkis sýslumannsins á Norðurlandi vestra.

17. gr.

*Staðfesting skipulagsskrárinnar.*

Skipulagsskrá þessi tekur gildi við samþykki stjórnar ABC barnahjálpar á Íslandi og sýslumannsins á Norðurlandi vestra og fellur þá eldri skipulagsskrá starfsins úr gildi nr. 577/2007.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá nr. 19/1988.

*F.h. sýslumannsins á Norðurlandi vestra, 10. maí 2017,*

**Björn Hrafnkelsson.**

*Auður Steingrimsdóttir.*

---

B-deild – Útgáfud.: 24. maí 2017